



Inatsisartut
Malik Berthelsen
Siumut
/maani

20. december 2011

Namminersorlutik Oqartussat inissiaataanni attartortittakkani oquk pillugu

Sags nr. 2011-059171
Dok. nr. 788391
Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Asasara Malik

Aallarniutigalugu Namminersorlutik Oqartussat inissiaataanni attartortittakkani oquk pillugu apeqquteqaqqinninnut qutsavigaakkat. Siullermik apeqqutitit allanneqarput, tamatumalu kingorna akissutikka allanneqarlutik.

1. Sunaana Nalunaarut (bekendtgørelse) tunngavilersuutigalugu 1.maj Namminersorlutik Oqartussat inissiaataasa akitsorneqarnissaannik unioqqutinnerarlugu oqalunneq ilumuunnginnerarissi?

AKISSUT: Namminersorlutik Oqartussat inissiaataanni ineqarnermut akiliut inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi §§ 28 – 32-mi, kiisalu illuutini inissiatut attartortitsisarneq pillugu Namminersornerullutik Oqartussat nalunaarutaanni nr. 12-imi, 23. april 2008-meersumi §§ 72 – 79-imi missingersuusiortarnermut maleruagassat naapertorlugit naatsorsorneqartussaapput siumoortumillu nalunaarutigineqartussaallutik.

2. Sinerissami inissiat oqummik eqqorneqarsimasut iluarsaanneqarnissaat qanoq naleqarami?

AKISSUT: Oqummik eqqorneqarsimasunik iluarsaassinissamut aningaasartuutissat suliassamiit suliassamut allanngorartorujussuupput, aamma oquup annertussusia apeqqutaasarluni. Tassalu inissiat ilaat 75.000 koruunit atorlugit oquiarneqarsinnaapput, illullu ilaat 1 mio. koruunit sinnerlugit atorlugit oquiarneqarsinnaallutik. Ajornartorsiut annertusiartortoq maannamut sinerissamit nalunaarutaasartut takutippaat, aammalu inissiat qanoq amerlatigisut matumani pineqarnersut INI-miit paasineqariartorpoq.

3. Sunaana naatsorsuineq tunngavigalugu akitsuinikkut 2012 aamma 2013-imi 26 mio. koruuninik isertitaqassasorisusi?

AKISSUT: Siusinnerusukkut akissutigaa ersernerlussimappat tamanna utoqqatsissutigaa. Kisiannili ukiut ataasiakkaarlugit taamaallaat missingersuusiortoqartarpoq. Taamaattumik 26 mio. koruunit taakku taamaallaat 2012-imut tunngasuupput. Isertitassat taamatut amerlassuseqaannarnissaat anguniarlugu 2013-imut missingersuusiortoqarnissaa aalajangiunneqassappat, isertitassat 39 mio. koruuninut missiliorneqassapput. Kisiannili isertitassat taamatut

amerlassuseqaannarnissaat, ikilisinneqarnissaat imaluunniit amerliseqqinneqarnissaat naliliiffigineqassappat, tamanna suli siusippallaarpoq. 2012-imi misilittakkat katersorneqartut 2013-imi missingersuusiornissamut tunngavigineqassapput.

4. Inissiat oquttut iluarsaanneqarnissaanut Nunatta karsia akissaqarsimanngippat, najugaqartut iluarsaassinissamut akissaqartut Naalackersuisunit ilumut nalilerneqarsimappat?

AKISSUT: Uanga imaluunniit Naalackersuisut sinnerisa ineqarnermut akiliutit pisariaqartinneqarluinnartunit annertunerusumik qaffanneqarnissaat siunertarinnginnatsigu tamanut uppersarsinnaavara. Oquk pillugu ajornartorsiutitik ilungersuussinissarput Naalackersuisunit pingaartinneqartorujussuvoq, tamanna annertuumik attartortut peqqissusaannut eqquisarmat. Imminut imaluunniit qitornat oqummik atugaqartissallugit peqqinnanngilluinnarpoq.

Taamaattumik Naalackersuisut suliassamik aningaasassanik pissarsiniarlutik aaqqiissutissanik allanik misissuiniarput, taamaalilluni ineqarnermut akiliutit qaffaatissaat pilersaarutigineqartut pinngitsortinneqarsinnaammata.

Inussiarnersumik inuulluaqqusilluta

Jens B. Frederiksen